

19 NOV 1996

PM AKAN LANCAR IMP KEDUA PADA 28 NOV

KUALA LUMPUR, 19 Nov (Bernama) -- Perdana Menteri Datuk Seri Dr Mahathir Mohamad akan melancarkan Pelan Induk Perusahaan (IMP) kedua, bagi tempoh 1996-2005, pada 28 Nov 1996, demikian menurut Kementerian Perdagangan Antarabangsa dan Industri (MITI) dalam satu kenyataan hari ini.

MITI adalah agensi utama dalam merumuskan IMP yang terbaru itu, bertujuan untuk meneruskan program perusahaan Malaysia bagi tempoh 10 tahun yang akan datang dan seterusnya dengan tumpuan kepada teknologi tinggi dan industri yang berintensifkan modal.

Kementerian telah memberikan tanggungjawab utama kepada Instituti Penyelidikan Ekonomi Malaysia (MIER) untuk menjadi jururunding utama dalam kajian itu.

Tumpuan baru akan menggabungkan hubungan dalaman dan luar dalam industri yang akan dilengkapi oleh industri sokongan tempatan, seperti yang dilakukan di Lembah Silikon California.

Tujuan dan matlamatnya adalah untuk membangunkan industri yang boleh berdikari dalam semua aspek. -- BERNAMA

DVS RIF/sia